



# Consulta Indígena

PARA CANDIDATURAS DE ELECCIÓN POPULAR  
**CHIHUAHUA 2023-2024**

**JÍMO OJAI AGAI BÏTARRÏ TÏKAKARRA GO ÓDAMI  
ÑIOKADHAMÍ, XAKOGA OIDHAGA ODAMI GO ÑIOKI BÏTARRÏ  
GO ELECTORAL ÍDÍ JUMIGÏRRÏ**

— TEPEHUAN —



INSTITUTO ESTATAL ELECTORAL  
CHIHUAHUA



## JÍMO OJAI AGAI BİTARRİ TİKAKARRA GO ÓDAMI ÑIOKADHAMÍ, XAKOGA OIDHAGA ODAMI GO ÑIOKI BİTARRİ GO ELECTORAL İDİ JUMIGİRRİ

### TİKAKARRA GO ARHI KIKÍIRRİ ÓDAMI

#### ¿Túmaxi go sirhikami xiankidí ga tükaka?

Gobai jímo sirhikami xiankidí bia go arhi kiyirri gi agai xi ga agidha dí tükakadha bitarri kiga jímihda go sirhikami makidí bia ódami, dukami xi mi kiga duñia jímo aduidhagai go kaigí xiankidí dhaja dí podukai kaxi mi kiga oidhaka go ódami.

#### ¿Túmaxi go soiñi bítarri ódami oidhakami?

Gobai muyii adundhagai xiankidí soiña go ódami oidhakami dukami mi kiga nüidiña, dí podukai jímii go ñioki xi bixi ódami oidhakami bia go go sirhikami xi jípanixi namúga tomaxiorrigai, dí podukai kiga jímihda go sirhikamidí ódami dí kiga oidhaka.

#### ¿Túmaxi go soiñi dí kiga oidhaka ódami dí jípanixi namuga?

Go soiñi bítarri ódami nüniidí dí duñia go ñioki dí jípanixi namuga bixi sudhakami ódami, dí apodukai kaxi odiaka dí daiba dí biya jímo gubudhai bítarri soikidami oidhakami ódami.

Go soiñi bítarri ódami xiankidí soiki dí oidhaka go arhi kiyirri nüniidí xi bixi go ódami jípanixi namúaka tomaxiakoga jiyopadha xi podukai oidhakan tadhaka o podukai oidhaga pírhidi go bixi odhami kiga oidhaka xiankidí go sirhikami jímii.

#### ¿Túmaxi duñia agai go xinkidí tükakarrai xinkidí bue go Instituto?

Go Instituto Estatal Electoral pírhidi xinkidí ñiokia go ódami, dukatai ga duñia dhaní agidha atagidha ñioki go, dukami go arhi kiyirri dhaní obhagana oidhakami, bítarri Kiga nüijadha bixkatai go ódami, dí podukai soiña ódami dí ka podukai biya go sirhikami dükami jataduñia dí gokirriama biya go gubudharrí ódami oidhakami bitari, xiankidí soikiiña go odami óidhakami dhaní bixi go Congreso tamüidirr "Estadondirr" go Proceso Electoral tamaixdirr koka mirhi daní jímo kobai dhaní baika-koma mirhi daní jímo kobai daní makoba.

#### ¿Dükatai ga atadúñia go tükakarrai?

Dúñia go jümpadiarrai madí go Instituto Estatal Electoral dí bixi ódami, go arhi kiyirri dhaní obhagana oidhakami, xiakkoga pírhidi xi bixkatai agaí xi ñiokia, dí agai xi aga tumaxi biiga dí bixi dukatai gi duñia.



## ¿Túmaxi nínírraka go tükakarra?

Agai xi bïxkatai ódami ñiokia, bïxi go ódami ñiokadami, go arhi kiiyirri dhaní obhagana oidhakami xiankidí pürhiadha, katúdu xudooko ga atágidha dí aaga go Instituto Estatal Electoral duñia go jímo ojai xiakoga agadha xi go ódami xiorrigai bïya jímo gubudhai, go Proceso Electoral tamíidirri koka mirhi daní jímo kobai daní baika-koka mirhi madí jímo kobai daní makoba, katúdo go ñiokidi kiga nijadha bïxi súdhakami go ódami, di podukai ka agadha go xi jímo ódami bïya o dhaiba go gubudarrii.

## DÚKATAI JÍMÍDHA GO ELECTORAL TAMÍIDIRRI KOKA MIRHI DANÍ JÍMO KOBAI DANÍ BAIKA-KOKA MIRHI MADÍ JÍMO KOBAI DANÍ MAKOBA

### ¿Dúkatai agai xi duñianí dí ojixka go aaga xi bakia jímo sirhikami bïtarri go electoral tamíidirri koka mili daní jímo kobai daní baika-koka mili madí jímo kobai daní makoba?

Jímo ódami agai xi bakiagí dukami bïtarri go gubudai podukai bïya jímo partido político xi jígi aaga børri jímadí.

### ¿Túmaxi bïtarri go partido político?

Go partidos políticos bïtarrii xiankidí ga atabue dukami go política dí ajiga xiakoga dharraka, bïaka jímo ódami o matíka go sirhikami bïtarri, go agai xi aagadha xi ñioka bïtarri go ódami oidhakami dí dukatai aga xi bïya dí bïya go gubudai tamíidirri chihuahuandiorri, soiña dhaibanduña xiorrigai , daní jumpadíñia obhagana, agai xi gí duñia xi duñia go atagi go gubudai atagi, ixdukatai jímio go ñioki,go tigidha jipigíama dukatai nüidí sixi jímin xiankidí soikii bïixkatai bïtarri, mi gubaakidí, mi chibiako ñiokadha, mi jímaxi ñiokadha, jígi biya go ñioki..

### ¿Túmaxi go xianki bïlla jírhidi go soiñi bïtarri?

Gobai bïtarri bïxi go ódami oidhakami xorrígai pürhiadha dibia jímo gubudaírrí kaigí dukami dí soikidha ódami oidhakami bódírrí go kongresoana tamaidirri estaduana, dí tomarhimokirri agai xi ojixka jímoko, agai xi bïaka bïxi tuma gaa tanidha, bïxi xinki jíbana jímídhá go sirhikami.

### ¿Bankidí papeperhi taníi bïtarri go ódami xiankidí ga daibha jírhiada go gubudarrii?

Agai xi duñia jímo ñioki xiankidí pürhiadha di agidha go Instituto dí makia jímo ojixi go jipandúkai go instituto xinkidí agai xi jímo ódami daiba dí bïya go gubudai dí xoikidha ódami, agai xi gí ojixka go Sistema de Administración Tributaria podukai tigidí go (SAT), daní agai xi ojixka jímo bankurri xianki bïtarri ga ataduña xiankoga aga di agidha da buabuikidí, agai xi kigarrí ga atabuada, podukasi xidukatai ojixi go sirhikami tükabiandirri go Constitución Política del Estado tamírri Chihuahua.

### ¿Tumaxi bïtarri go xiankidí pürhidí bïxkai jípanixi namuaka tomaxorrígai xinki gí oja bïtarri go gubudai ódami bïtarri xibi xiankidí ojixka jidirri jumigí bakia goka mirhi daní jímo kobai daní makoba?

Agai xi guabakami bïya go ñioki bïtarri go partidos político, daní xinkidi ojixka dí biyan duñia, ajiga xi



büya xiorriiga pürhiada, dí bixi oja go ódamí ūiokadami go municipioana daní Distritos Electorales bōdirri, dí podukai makiadha dí podukai jīmidha go sirhikami bītarri go ódamí oidhakami dí podukai dharraka go ódamí xoikidhami.

### **¿Díkatai büya xi tañia jímo gubudai go Proceso Electoral tamirri koka mirhi daní jímo kobai daní bai-ka-koka mirhi madí jímo kobai daní makoba?**

Borrígai büya xiānkidi xoikidhami go oidhakami daní go Congreso tamidirri Estado.

### **¿Borrígai go xoikidhami go oidhakami?**

Go xoikidhami go oidhakami gobairri xiankidü niniidü agidhada, kaigidanixorrigai soikidhago municipioana.

### **¿Borrígai ajiga xiankidü agai go xoikidhami go oidhakami?**

Bixi xoikidhami go oidhakami xiankidü gín jímapidi go Presidenciana, xankidü soiki bixi daní go xiankidü aga ódamí xi büya. Biki büya agai niida xikí oidakami ódamí jímo municipioana.

Xoikidami oidhakami.	Bikiatai
Chihuahua y Juárez	Jímoko Presidencia Jimo kobai Regidurías Jímoko Sindicatura
Camargo, Cuauhtémoc, Delicias, Guerrero, Hidalgo del Parral, Jiménez, Madera, Meoqui, Namiquipa, Nuevo Casas Grandes, Ojinaga y Saucillo	Jímoko. Presidencia Baixtama daní nadami Regidurías Jímoko Sindicatura
Ahumada, Aldama, Ascensión, Balleza, Bocoyna, Buenaventura, Guachochi, Guadalupe y Calvo, Riva Palacio, Rosales, San Francisco del Oro, Santa Bárbara, Urique e Ignacio Zaragoza	Jímoko Presidencia Baixtamadaní goka Regidurías Jimoko Sindicatura
Allende, Aquiles Serdán, Bachíniva, Batopilas, Carichí, Casas Grandes, Coronado, Coyame del Sotol, La Cruz, Cusihuiriachi, Chínipas, Belisario Domínguez, Galeana, Santa Isabel, Gómez Farías, Gran Morelos, Guadalupe, Guazapares, Huejotitán, Janos, Julimes, López, Maguarichi, Manuel Benavides, Matachí, Matamoros, Morelos, Moris, Nonava, Ocampo, Práxedis G. Guerrero, Rosario, San Francisco de Borja, San Francisco de Conchos, Satevó, Temósachic, El Tule, Uruachi, Valle de Zaragoza	Jímoko Presidencia Mamakoba Regidurías Jímoko Sindicatura



### **¿Börrigai go kongreso tamii estado?**

Xiankidi ajiga go Estado kiga go boirri jimidha go sirhikami.

### **¿bankidii ajiga xii duñia xiorrigai aagá go congreso tamirrii Estado?**

Gí agai xidukai ajiga dukami jimo kobai danii baixtama danii baika go Diputados ajiga go Distritos Electorales Local.

### **¿Túmaxi Bitarri go Distrito Electoral local?**

Gobai agai xi dukatai ga ataduña di kiga jimidha go bixi sudhakami tamaidirri chihuahua bitarri go electoral, bixi go Distrito muidutai ga atabue jibana go Municipiona.

## **XIANKIDI SOIKIDHA GO OIDAKAMI ÓDAMI GO ARHI KIYIRRÍ DHANÍ OBHAGANA OIDAKAMI**

### **¿túmaxi go xiankidi agai xi gírr ajiga xi óami jímoko?**

Gobai agai xiankidi jimo ódami jígi gí agai xirri ódami go ahri kíkirri danii obhagana oidakami, dí podukai matildha tuma sirhikami bia go ódami oidhakami, xiankidi jimo ódami ka ga bïakatadhai.

### **¿Túmaxi go xiankidi gí agai xi ñokiarra xi jimo ódami jígi aaga xirri ódamigo?**

Go xinkidi ajiga xi ñokia bixi ódami bitarri xi jimo ódami jígi aaga xii buabuai xirri ódami, di xikoga ojixi jimo paperhiana dí kaiti xii jimo ódami odakami go kíyirri danii obhagana odhakami.

### **¿Túmaxi go xiankidi gí agai xi ñokiarra xinakidi agai dukatai maxi?**

Xiankidi ajiga jimo ódami aaga xi odakami go kíyirri odakami di matika bixi sudhakami xiakoga odhaga dhanii aaga bixi dukatai oidhaga ódami, dí jidii kíyirri agai xi go kaigi o bixi go moyi, ajiga xi aaga xi matii jija ódami bödirri odakami. Kaxi podukai matika xiorrigai soiña daiba go gubudarrii dí soiña arhi kíyirri danii obhagana oidakami.

### **¿Dükatai gí nukadhaka go sirhikamidi oki ódami dí ixtuidha biya jimo gubudai?**

Gí agai xi bixi sudakami ódami dí pírhidi go óki agai naiba jimo gubudairri ipandukai jimo kírhi, xo biya arhiadha go xiakoga soikida oidhakam, go óki danii kíkirri odami ñiokadami, gí agai xi gín oja dí podukai ixtuidha biyarra gubudai, podukai ajiga xi nüiyadha bitarri ódami xiandirri oidiakamika, dí podukai kaxi matika xi bia go sirhikami.

## **Gİ DUYİЯ KİGA GO ÑIOKİ BİTRARRİ ÓDAMI OIDAKAMI, İGI ÁA DUKATAI DUGO PROCESO ELECTORAL. TAMIIDIORRİ GOKA MRHI DANİ JİMO KOBAI-KODA MIRHI DANİ JİMO KOBAI DANİ JİMOKO**

**¿Túma duí go Instituto bitarri go ódami arhi kiyirri dhanii obhagana oidakami?**

Go Proceso Electoral Local baxikiändirri go jumigirri goka mirhi danii jimo kobai-koka mirhi danii jimo kobai danii jimok, go Instituto Estatal Electoral dui xi bixi go ódami jípanixi anamuaka dí pódrukai agai xi kiga jímüdha go sirhikami di atadúñia go gubudarri bitarri oidakami xioadírrí go kiyürrí danii go obhakana oidakami dí ódami daiba býa jimo gubudai, di soikidha oidakami.

**¿Dükatai maxi go xiankidí agai xii jípanixi namuga bixi go ódami oidakami go kaigirri bitarri dí nukadaka go sirhikami go Proceso Electoral Local koka mrhi danii jimo kobai-danii koka mirhi jimo kobai danii jímoko?**

Gí ixtui xi bïaka go xiankidí agai xii jípanixi namuga bixi go ódami oidakami, jibhana jimitai jípomoko go ódami go jimo kobai danii baixtama municipiona xiankidí gi aaga:

Balleza	Hidalgo del Parral
Batopilas	Jiménez
Bocoyna	Juárez
Camargo	Julimes
Carichí	Madera
Cuauhtémoc	Maguarichi
Cusihuiriachi	Morelos
Chihuahua	Moris
Chínipas	Namiquipa
Delicias	Nonoava
Galeana	San Francisco de Borja
Guachochi	Temósachic
Guadalupe y calvo	El Tule
Guazapares	Urique
Guerrero	Uruachi

Danii, gi ixtúi daibarra jimo gubudai ódami bitarri go Congreso del Estado, xiankidí ajiga go Distrito jimo kobai danii goka, amii Guachochi

